

Reglement da taxas tier la lescha da sepultura ed uorden da santeri dalla vischnaunca Lumnezia

dils 07-03-2016

La suprastonza communal,

sebasond sigl art. 3 dalla lescha da sepultura e santeri per la vischnaunca Lumnezia,

concluda:

Art. 1 Taxas da sepultura e locals da bara

¹ Ils defuncts cun davos domicil en vischnaunca ein deliberai dalla taxa da sepultura e dalla taxa per il local da bara.

² Per ils ulteriurs valan las suandontas taxas:

Fossas per corps da carschi	CHF	1'000
Fossas per corps dad affons sut 10 onns	CHF	500
Fossas per urnas en tiara	CHF	600
Nischas ni caums per urnas	CHF	600
Urna en fossa existenta	CHF	400
Secunda urna en nischa ni caum	CHF	400
Fossa anonima tier tschentadas primaras	CHF	400

Tier tschentadas secundaras en fossas communablas anonimas vegn quintau negina taxa.

³ En cass specials sa la suprastonza communala relaschar ni reducir las taxas.

Art. 2 Ulteriuras taxas

Plattas e tablas d'inscripziun	Cuosts effectivs
Inscripziuns	Cuosts effectivs
Lavurs supplementarars	Tenor cuosts
Exhumaziuns	Tenor cuosts

Art. 3 Prestaziun dalla vischnaunca

Cun las taxas da sepultura vegnan las suandontas prestaziuns dalla vischnaunca indemnisas:

- a) preparar e curclar las fossas
- b) arver e serrar las nischas ni ils caums per urnas
- c) organisaziun dall'inscripziun da plattas e tablas per urnas prescrettas

Art. 4 Entrada en vigur

Quest reglement entra en vigur cun l'approbazion dalla lescha da sepultura e santeri dils 28-02-2016. Il reglement sa vegnir adattaus tenor basegns entras la suprastonza communala.

Il president communal:

Duri Blumenthal



Igl actuar:

Marcus Cavegn